

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

BERDINTASUN, EUSKARA ETA GOBERNANTZA SAILA**86/2025 Foru Agindua, uztailaren 9koa, Berdintasun, Euskara eta Gobernantza saileko Foru Diputatuarena, Henrike Knörr sarien 2025eko deialdia onesten duena**

Arabako Foru Aldundiak, Foru Gobernu Kontseiluaren uztailaren 23ko 439/2024 Erabakia-
ren bidez, onespena eman zion Arabako Foru Aldundiko Euskararen Erabilera Normalizatzeko
Plan Estrategikoari, zazpigarren plangintzaldirako (2023-2027), helburu nagusi honekin: euskal
hiztunak eta haien sareak aktibatzea eta lurraldean euskaraz bizitzeko aukerak bermatzeko
baldintzak sortzen jarraitzea

Arabako Foru Aldundiak (AFAk) eta Euskal Herriko Unibertsitateak (EHUK) uste dute helburu
hori lortzeko funtsezkoa dela prozesuari berari buruzko ikerketa bultzatzea, eta urtero deialdi
bat argitaratzea adostu dute, euskararen erabilerari buruzko ikerketa lan monografikoak eta
gradu amaierako eta master amaierako lan proiektuak sustatzeko. Henrike Knörren familiarekin
batera, erabaki dute deialdiak Henrike Knörr (Tarragona 1947 – Vitoria-Gasteiz 2008) euskaltzale
eta euskalariari omenaldia egitea, sariari Vitoria-Gasteizko Euskal Herriko Unibertsitateko Letren
Fakultatean katedradun izandakoaren izena emanez, AFAREN eta EHUren arteko lankidetzaren
testuinguruan.

Deialdi honetan lehentasuna emango zaie master amaierako proiektuei, baina ikerketako
edo gradu amaierako proiektu monografikoak ere onartuko dira, ondorengo tesiak sustatzeko,
betiere ikerketa gai nagusia euskararen erabilera bada, edozein jakintza arlotatik aztertuta.
Edonola ere, unibertsitateko irakasle doktore batek bermatu beharko du proiektua.

Sari hauen deialdia Diputatu Nagusiaren Sailak eman beharreko sariak arautzen dituzten
oinarri orokorretan aurreikusitakoaren arabera arautzen da. Oinarri horiek Foru Gobernu Kon-
tseiluaren ekainaren 21eko 26/2022 Foru Dekretuaren bidez onetsi ziren, eta 2022ko uztailaren
11ko ALHAOn (80. zenbakia.) argitaratu ziren.

Nahitaezko txostenak aztertu dira.

Horrenbestez, Berdintasun, Euskara eta Gobernantza Saileko foru diputatu naizenez nire
eskumenekoak diren eskudantziek baliatuz, honako hau

XEDATZEN DUT

Lehenengoa.- Henrike Knörr sarien 2025eko deialdia onestea, gehienez 4.000,00 euroko
zuzkidurarekin. Deialdia eta eskatzaileek bete beharreko inprimakia eranskin gisa erantsi zaizkio
erabaki honi.

Bigarrena.- Gastu hori Arabako Foru Aldundiaren 2025eko ekitaldirako gastuen aurrekontuko
25201. G/335251/48000250 partidatik ordainduko da.

Hirugarrena.- Deialdi hau ALHAOn argitaratzea.

Laugarrena.- Ebazpen honek administrazio bidea agortzen du. Beraren aurka aukerako
berraztertze errekurtsoa aurkeztu ahal izango zaio ebazpena eman duen organoari, jakinarazi
eta hurrengo egunetik aurrera hilabete igaro baino lehen, Administrazio Publikoen Administra-
zio Prozedura Erkidearen urriaren 1eko 39/2015 Legeak 123. artikuluan eta hurrengoetan xeda-
tutakoaren arabera, edo, bestela, administrazioarekiko auzi errekurtsoa aurkeztu ahal izango

da zuzenean Vitoria-Gasteizko Administrazioarekiko Auzietarako Epaitegian bi hilabete igaro baino lehen, Administrazioarekiko Auzien Jurisdikzioa arautzen duen uztailaren 13ko 29/1998 Legeak 46.1 artikuluan ezartzen duenaren arabera.

Vitoria-Gasteiz, 2025eko uztailaren 9a

Berdintasun, Euskara eta Gobernantza saileko foru diputatua

IÑAKI GURTUBAI ARTETXE

Euskararen eta Gobernu Irekiaren zuzendaria

JOSEBA KOLDO PÉREZ DE HEREDIA ARBÍGANO



ERANSKINA
HENRIKE KNÖRR SARIAK 2025
OINARRIAK

LEHENENGOA. Xedea.

Henrike Knörr sariaren xedea izango da euskararen erabilera (Arabako Lurralde Historikoan, lurralde osoan nahiz eskualde edo eremu batean) ikergai duten ikerketa-lanak sustatzea. Horretarako, master-amaierako lanen proiektuak lehenetsiko dira, baina bestelako ikerketa-lan monografikoen proiektuak ere onartuko dira, eta are gradu amaierako lanen proiektuak ere, geroko tesiak bultzatzeko helburuarekin, horien ikergai nagusia euskararen erabilera bada, nahi den jakintza-alorretik ikertua.

Sari hauen deialdia Foru Gobernu Kontseiluaren ekainaren 21eko 26/2022 Foru Dekretuan xedatutakoaren arabera egiten da. Foru Dekretu horrek Diputatu Nagusiaren Departamentuaren sariak emateko oinarri orokorrak onartu zituen (ALHAO, 80 zenbakia, 2022ko uztailaren 11koa).

BIGARRENA. Onuradunak.

Sariak lortzeko, beharrezkoa da:

- Oinarriak ALHAOn argitaratzen diren egunean Europar Batasuneko estatu kideren bateko nazionalitatea edo bizilekua izatea, edo Europako Esparru Ekonomikoari buruzko Akordioa sinatu duen estaturen batekoa.
- Aurreko oinarrian adierazitako gaiekin lotutako master amaierako lanen, ikerketa-lan monografikoen edo gradu amaierako lanen proiektua egiten ari den pertsona fisikoa izatea. Nolanahi ere, unibertsitate-irakasle doktore batek bermatu behar du proiektua.

HIRUGARRENA. Zuzkidura ekonomikoa.

2025eko deialdian bi lan edo proiektu aukeratuko dira, eta bakoitzari 2.000,00 euroko zenbatekoa esleitu zaio.

LAUGARRENA. Aurrekontu-erabilgarritasuna.

Deialdi honetarako 4.000,00 euro bideratuko dira. Sariaren guztizko zenbaketak ezingo du inolaz ere zuzkidura hori gainditu.

Gastu hori Arabako Foru Aldundiaren 2025eko gastu-aurrekontuko "25201.G/335251/48000250 Henrike Knörr Sariak" partidatik ordainduko da.

**BOSGARRENA. Balorazio-irizpideak.**

Proposamenak honako irizpide hauei jarraituz ebaluatuko dira:

1. Proiektuaren helburuak eta interesa: gehienez 5 puntu.
2. Proiektuak ekarpena egitea euskararen erabilera biziberritzeko Araban: gehienez 10 puntu.
3. Proiektuaren ebaluazio orokorra (esparru teorikoa, aurrekariak eta metodologia): gehienez 5 puntu.
4. Proiektuaren zehaztasun maila eta egingarritasuna: gehienez 5 puntu.
5. Eskatzailearen Curriculum Vitae eta espediente akademikoa: gehienez 5 puntu.
6. Master amaierako lana izatea: gehienez 5 puntu

SEIGARRENA. Aurkeztu beharreko dokumentazioa.

Sari hauek eskuratu nahi dituztenek honako agiri hauek aurkeztu beharko dituzte, idatzizko eta ikusizko hizkuntza ez-sexista erabiliz:

- a) Eskabide-inprimakia, deialdi honen eranskin gisa argitaratzen den ereduaren arabera.
- b) Eskatzailearen Curriculum Vitae.
- c) NAN, AIZ edo pasaportea (elektronikoki bidaltzen bada eskabidea, ez da beharrezkoa dokumentu hauen kopia aurkeztea).
- d) Espediente akademikoaren kopia.
- e) Proiektuaren eskema eta laburpena: ezinbestekoa da helburuak, esparru teorikoa, aurrekariak eta metodologia jasotzea (gutxienez 5.000 hitz eta gehienez 7.500 hitz).
- f) Unibertsitate-irakasle doktore baten berme-txostena, ikerketa-lanaren zuzendari izango dela esanez, deialdi honen eranskin gisa argitaratzen den ereduaren arabera.
- g) Proiektua balioesteko garrantzitsuak izan daitezkeen beste informazio edo dokumentazio batzuk.
- h) Proiektua deialdi honetan ezarritako epean egiteko eta entregatzeko idatzizko konpromisoa.

ZAZPIGARRENA. Eskakerak aurkezteko tokia eta epea.

Eskabideak aurkezteko epea deialdi hau ALHAOn argitaratu eta hurrengo egunean hasiko da eta 2025eko azaroaren 14an amaituko da.

Eskaerak, Euskararen eta Gobernu Irekiaren Zuzendaritzako Euskararen Foru Zerbitzura bidali behar dira, honako hau adierazita: “Henrike Knörr SARIAK”.

Eskaerak leku hauetan aurkeztu ahal izango dira:

- Arabako Foru Aldundiaren Erregistro Orokorrean (Probintzia plaza z/g, 01001 PK) edo Arabako Foru Aldundiaren egoitza elektronikoaren bidez (Erregistro Elektronikoko Komuna: <https://egoitza.araba.eus/eu/-/tr-erregistro-elektroniko-komuna>).
- Foru Ogasunak Gasteizen, Laudion eta Guardian dituen bulegoetako erregistroan.
- Administrazio Publikoen Administrazio Prozedura Erkidearen urriaren 1eko 39/2015 Legearen 16.4 artikuluan jasotako beste edozein erregistroan.



Eskaerak forma egokian aurkeztu ezean, edo deialdi honetan eskatutako agiriren bat falta bada, errekerimendua egin ahalko zaio interesdunari, hamar eguneko epean falta diren datuak eta agiriak aurkezteko. Adierazi den epean hala egiten ez badu, bere eskabideari uko egiten diola ulertuko da, eta beste izapiderik gabe artxibatuko da.

Pertsona berak deialdi honetako sari bakarria eskatu ahal izango du.

ZORTZIGARRENA. Epaimahaia eta eskabideen ebazpena.

Euskararen eta Gobernu Irekiaren zuzendari eskuduna izango da epaimahaiburu, eta beste ordezkari bat eskuordetu ahal izango du. Halaber, epaimahaiburuak Arabako Foru Aldundiko Euskararen Foru Zerbitzuko burua izendatuko du epaimahaiko idazkaritzarako; hitza izango du, baina botorik ez. Arabako Campuseko Ikasleen, Euskararen eta Kulturaren arloko Zuzendaria ere epaimahaikide izango da, hitzarekin baina botorik gabe.

1. Orobat, aditu hauek ere epaimahaikide izango dira:
 - a. Gidor Bilbao Telletxea (AFAk proposatua).
 - b. Iñaki Martínez de Luna Pérez de Arriba (AFAk proposatua).
 - c. Eneko Zuloaga San Román (EHUK proposatua)
2. Epaimahaiak, baremoak zehaztu ondoren, aurkezturiko curriculumak eta ikerketa-proiektuak baloratuko ditu eta hautagaiak puntuazio handienetik txikienerako hurrenkeran zerrendatuko ditu.
3. Puntuaziorik handiena lortzeagatik dotazio ekonomikoa eskuratzea merezi duten pertsonen izenak proposatuko ditu, bai eta ordezkoen izenak ere, uko egiteak edo beste edozein gertaera zuzentzeko.
4. Epaimahaiak elkarrizketa pertsonalak egitera deitu ahal izango ditu interesdun guztiak edo batzuk.
5. Epaimahaiak ez baditu egokitzen jotzen sariak eskuratu nahi dituzten eskatzaileen profila eta proiektuak, 2025ean dotazio ekonomikoak (edo horietakoren bat) ez ematea proposa dezake.
6. Erabakia epaimahaiko kideen gehiengo soilez hartuko da, eta epaimahaiak berak izango du eztabaidan sortzen diren gorabehera guztiak ebazteko ahalmena. Epaimahaiaren erabakiaren aurka ezin izango da gora jotzeko errekursorik aurkeztu.
7. Deialdi honetako sariak ematea Berdintasun, Euskara eta Gobernantza Saileko foru diputatuaren foru agindu bidez ebatziko da, epaimahaiaren proposamena ikusirik, zeina arrazoitua izango baita, eta amaiera emango dio administrazio bideari.
8. Ebazpen hori ALHAOn argitaratuko da

**BEDERATZIGARRENA. Oinarriak onartzea.**

Deialdi honetan parte hartzen duten pertsonak berariaz onartzen dituzte eta bete egin behar dituzte deialdian bertan zehazten diren baldintza guztiak.

Oinarri hauetan aurreikusten ez denerako, honako hau aplikatuko da: Diputatu Nagusiaren Sailak emango dituen sariak arautuko dituzten oinarri orokorreko buruzko Foru Gobernu Kontseiluaren ekainaren 21eko 26/2022 Foru Dekretua.

HAMARGARRENA. Sariak ordaintzea.

Esleitutako sariaren zenbatekoa justifikatu beharreko aurrerakin gisa emango da, esleipen ebazpena ematen denean.

HAMAIKAGARRENA. Onuradunen betebeharrak.

- a) Deialdi honen ohiko garapenean eragina izan dezakeen edozein egoera idatziz jakinaraztea Euskararen Foru Zerbitzuaren buruari.
- b) 2026ko irailaren 29a baino lehen amaitutako ikerketa-lana Euskararen Foru Zerbitzuari helaraztea, zazpigarren atalean zehazturiko bideetakoaren batetik. Zerbitzu horrek epaimahaiari helaraziko dio lana, azter dezan eta, hala badagokio, oniritzia eman diezaion, edo zuzenketak eskatu.
- c) Honako hauen arabera aplikatu daitezkeen gainerako betebeharrak: Diputatu Nagusiaren Sailak emango dituen sariak arautuko dituzten oinarri orokorreko buruzko Foru Gobernu Kontseiluaren ekainaren 21eko 26/2022 Foru Dekretua
- d) Emakumeen eta Gizonen berdintasunerako eta Indarkeria Matxistatik Gabeko Bizitzetarako Legearen testu bat egin onartzen duen martxoaren 16ko 1/2023 Legegintzako Dekretuan ezarritako printzipioak eta betebeharrak betetzea.

HAMABIGARRENA. Ikerketaren jabetza.

Arabako Foru Aldundiak eta Euskal Herriko Unibertsitateak beretzat hartzen dute ikerketa argitaratu eta zabaltzeko eskubidea, indarrean dagoen legeriaren arabera lanaren egiletza errespetatuz.

HAMAHIRUGARRENA. Bateriaezintasunak.

Deialdi honetako sariak bateraezinak izango dira proiektu berarentzat esleituriko beste edozein laguntzarekin.

HAMALAUGARRENA. Saria itzultzea.

Oinarri hauetan ezarritako betebeharrak betetzen ez badira, onuradunak jasotako zenbatekoa itzuliko du, baita Diputatu Nagusiaren Sailak emango dituen sariak arautzen dituzten oinarri buruzko Foru Gobernu Kontseiluaren ekainaren 21eko 26/2022 Foru Dekretuan ezarritako kasuetan ere.

**HAMABOSGARRENA. Publizitatea.**

Deialdi hau ALHAOn argitaratuko da, eta ahal den neurrian hedatuko da gizarte-komunikabideetan.

HAMASEIGARRENA. Azken klausula.

Oinarri hauetan xedatzen ez denari dagokionez, honako hauek arautuko dute: Foru Gobernu Kontseiluaren ekainaren 21eko 26/2022 Foru Dekretua, Diputatu Nagusiaren Departamentuaren sariak emateko oinarri orokorrak arautzen dituenak, eta, haren izaera juridikoarekin bateragarriak diren heinean, Arabako Lurralde Historikoko Diru-laguntzei buruzko urriaren 19ko 11/2016 Foru Araua, eta azaroaren 17ko 38/2003 Legea, Diru-laguntzei buruzko Errege Dekretu Orokorra, eta uztailearen 17ko 38/2003 Legea.

Era berean, Administrazio Publikoen Administrazio Prozedura Erkidearen urriaren 1eko 39/2015 Legea, Emakumeen eta Gizonen berdintasunerako eta Indarkeria Matxistatik Gabeko Bizitzetarako Legearen testu bat egin onartzen duen martxoaren 16ko 1/2023 Legegintzako Dekretua, Emakumeen eta Gizonen Berdintasun Eragingarriko martxoaren 22ko 3/2007 Lege Organikora eta aplikagarri zaizkion gainerako arauetara egokituko dira.

 Arabako Foru Aldundia Diputación Foral de Álava www.alava.net	ERANSKINA HENRIKE KNÖRR SARIAK Arabako Foru Aldundiaren eta Euskal Herriko Unibertsitatearen deialdia (2025) euskararen erabileari buruzko ikerketa-lanen, proiektuak sustatzeko Arabako Lurralde Historikoan
	2025
	ANEXO PREMIOS HENRIKE KNÖRR Convocatoria (2025) de la Diputación Foral de Álava y la Universidad del País Vasco para la promoción de trabajos de sobre el uso del euskera en el Territorio Histórico de Álava

**BERDINTASUN, EUSKARA ETA GOBERNANTZA
SAILEKO FORU DIPUTATUA**

**DIPUTADO FORAL DE IGUALDAD, EUSKERA Y
GOBERNANZA**

Eskaera zk. ■ N.º Solicitud

Eskaera data ■ Fecha
Solicitud

--	--

(Administrazioak betetzeko ■ A cumplimentar por la
Administración)

ESKATZAILEA ■ SOLICITANTE ⁽¹⁾

Eskatzaileak betetzeko ■ A rellenar por la persona solicitante

Identifikazio zk. (NAN, AIZ, besteren bat) ■

N.º identificativo (DNI, NIE, otros)

--

Izena eta abizenak ■ Nombre y apellidos

--

Helbidea (kalea) ■ Domicilio (calle)

--

Zk. ■

Núm.

--

Letra

--

Eskra. ■

Escal.

--

Solairua ■

Piso

--

Aldea ■

Mano

--

Herrialdea ■ País

--

Lurraldea ■ Territorio

--

Udalerrria ■ Municipio

--

Herria ■ Localidad

--

P. K. ■ C. P.

--

Telefonia ■ Teléfono

--

Mugikorra ■ Móvil

--

Faxa ■ Fax

--

Posta elektronikoa ■ Correo electrónico

--

AURKEZTUTAKO DOKUMENTAZIOA ■ DOCUMENTACIÓN PRESENTADA

- ☐ **Eskatzailearen CVa.**
CV de la persona solicitante.
- ☐ **NAN, AIZ edo pasaportea (elektronikoki bidaltzen bada eskabidea, ez da beharrezkoa dokumentu hauen kopia aurkeztea.**
DNI, NIF o pasaporte (si la solicitud se presenta electrónicamente, no será necesaria la presentación de copias de dichos documentos).
- ☐ **Espediente akademikoaren kopia. ■**
Copia del expediente académico.
- ☐ **Proiektuaren eskema eta laburpena: ezinbestekoa da helburuak, esparru teorikoa, aurrekariak eta metodologia jasotzea (5.000-7.500 hitz) ■ .**
Esquema y resumen del proyecto: es imprescindible que recoja los objetivos, el marco teórico, los antecedentes y la metodología (5.000-7.500 palabras).
- ☐ **Unibertsitate- irakasle doktore baten berme-txostena, ikerketa-lanaren zuzendari izango dela esanez. ■**
Informe de garantía del profesor/a doctor/a universitario/a, declarando que es la persona que dirige el proyecto de investigación.

 Arabako Foru Aldundia Diputación Foral de Álava www.alava.net	ERANSKINA HENRIKE KNÖRR SARIAK Arabako Foru Aldundiaren eta Euskal Herriko Unibertsitatearen deialdia (2025) euskararen erabilerari buruzko ikerketa-lane proiektuak sustatzeko Arabako Lurralde Historikoan
	2025
	ANEXO PREMIOS HENRIKE KNÖRR Convocatoria (2025) de la Diputación Foral de Álava y la Universidad del País Vasco para la promoción de trabajos de investigación sobre el uso del euskera en el Territorio Histórico de Álava

BERDINTASUN, EUSKARA ETA GOBERNANTZA SAILEKO FORU DIPUTATUA

DIPUTADO FORAL DE IGUALDAD, EUSKERA Y GOBERNANZA

- ☐ **Proiektua balioesteko garrantzitsuak izan daitezkeen beste informazio edo dokumentazio batzuk** ■
Otras informaciones o documentación relevante para la valoración del proyecto.
- ☐ **Proiektua deialdi honetan ezarritako epean egiteko eta entregatzeko idatzizko konpromisoa** ■
Compromiso por escrito de realizar y entregar el proyecto en el plazo establecido en la presente convocatoria.

JAKINARAZPENAK ■ NOTIFICACIONES

Jakinarazpen-sistema hautatzea (adierazi x batez jakinarazpen-modua) ■ Elección del sistema de notificación (indicar con una x la forma de notificación elegida).

☐ **Posta arrunta** ■ Correo postal.

Herrialdea ■ País	Lurraldea ■ Territorio	Udalerrria ■ Municipio	Herria ■ Localidad	P. K. ■ C. P.	
Mugikorra ■ Móvil	Posta elektronikoa ■ Correo electrónico				

☐ **Jakinarazpen elektronikoa (Hartzaileek Arabako Foru Aldundiaren egoitza elektronikoko « nire jakinarazpenak » atalean eskuratu ahal izango dituzte jakinarazpenak)** ■ Notificación electrónica (Las personas destinatarias podrán acceder a las notificaciones en el apartado “Mis notificaciones” de la sede electrónica de la Diputación Foral de Álava).

Mugikorra ■ Móvil	Posta elektronikoa ■ Correo electrónico



Arabako Foru Aldundia
Diputación Foral de Álava
www.alava.net

ERANSKINA

HENRIKE KNÖRR SARIAK

Arabako Foru Aldundiaren eta Euskal Herriko Unibertsitatearen deialdia (2025)
euskararen erabileari buruzko ikerketa-lanen proiektuak sustatzeko Arabako
Lurralde Historikoan

2025

ANEXO

PREMIOS HENRIKE KNÖRR

Convocatoria (2025) de la Diputación Foral de Álava y la Universidad del País
Vasco para la promoción de trabajos de investigación sobre el uso del euskera en
el Territorio Histórico de Álava

**BERDINTASUN, EUSKARA ETA GOBERNANTZA
SAILEKO FORU DIPUTATUA**

**DIPUTADO FORAL DE IGUALDAD, EUSKERA Y
GOBERNANZA**

ESKATZEN DU/SOLICITA

2025 Henrike Knörr sarien deialdian parte hartzea./La participación en la convocatoria de los premios Henrike Knörr 2025.

(*Tokia eta data* ■ *Lugar y fecha*)

Sinadura ■ Firma

Oharra (1)

Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamenduan (DBEO) eta Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoan ezarritakoa betez, parte-hartzaileek emandako datu pertsonalak Arabako Foru Aldundiaren EUSKARA SUSTATZEKO T67 fitxategian sartuko dira. Arabako lurralde historikoan euskararen erabilera sustatzeko jarduerak kudeatzeko sartuko dira. Datu horien konfidentzialtasuna bermatuko da, eta ez zaizkie hirugarrenei jakinaraziko, legez baimentzen diren kasuetan izan ezik. DBEOk onartzen dituen datuak eskuratzeko, zuzentzeko, ezereztzeko, aurka egiteko eta tratamendua mugatzeko eskubideak baliatu ahal izango dituzu. Arabako Foru Aldundiaren Erregistroko bulegora joz (Probintzia plaza 5, PK 01001, Vitoria-Gasteiz - Araba). Informazio gehiago: <https://web.araba.eus/eu/tratamenduen-lege-ohar-hedatua>

Nota (1)

En cumplimiento de lo establecido en el Reglamento (UE) 2016/679 del Parlamento Europeo y del Consejo, de 27 de abril de 2016 (RGPD) y en la Ley Orgánica 3/2018, de 5 de diciembre, de Protección de Datos Personales y Garantía de los Derechos Digitales, los datos personales aportados por las personas participantes se incluirán en el fichero T67 PROMOCIÓN DEL EUSKERA de la Diputación Foral de Álava. Se incorporarán para gestionar actividades de fomento del uso del euskera en el territorio histórico de Álava. Se garantizará la confidencialidad de estos datos y no se comunicarán a terceros, salvo en los casos en que se autoricen legalmente. Podrá ejercitar los derechos de acceso, rectificación, cancelación, oposición y limitación del tratamiento reconocidos por el RGPD, dirigiéndose a la oficina del Registro de la Diputación Foral de Álava (Plaza de la Provincia 5, CP 01001, Vitoria-Gasteiz -Araba). Más información en: <https://web.araba.eus/es/web/araba/aviso-legal-ampliado>.